

Pita inmbaia mac tiratna timbiņ rapar Outna kam

Gan timbiņ rapara turrina miniņa gaid, anna ma Iesusna ripacrena laiplacarmo, mbopca mina an ritipaca mo ņgocraica taņrena ririp-tiar ndeidta kambca kai warac teac, anna ma mina ritipaikapa, mina tipemb kirarir laiņa mo ņgocrainandet. Te, mina an kambca up angirena ramtaira minmo neanņrinanmo utiņ gagra, na an tipna kirar mbuņa mina Raraņ Aetaniacapa, Kacoot Iesus Karaismo matau lamņinandet. Na up angirena ramtaira Iesusmo ndorita lamnik puņa watrinan, na ma minmo riptirina kamb toco, mina waracrina.

Na ramtair ndeida gaidopatna, Iesusa ma mba mac nda kipitndai. Na gan timbiņ rapara aindoprina, ma kipnandet. Na anna gidik, ma mba tawi kiprina, na mana miniņa gaid, Raraņ Aetaniaca ma tonņgorinanna, ramoot ianna kai tapreke teac. Na ma tonņgorinanna, meikramtair muruņcamiņa iroar inkar uriracna, ainda moca ma meikramtairmo laņanna morena, na ma lambica eacrena. U sapta 3 wes 9na inikca wat, an kamma eacrena.

**Aia ndorita eteacna tipemb
kirarir laiņa mo gagra
meikramtair ņgorikta kambmo
nda mbop**

(1—3)

¹ Aku Saimon Pita, aku Iesus Karaisna ainqapa, up angirena ramoot manan, na ma aina Raraŋ Aetaniac. Ma aimo mac nda angina Ramoot. Na ne ritipac laŋ ngoinna anġiatna meikramtairmo, aku gan kammo turrina, na Iesus Karaisna tip kirar wandoŋa, nena ritipaca aina ritipacna kirar toca larurinan.

² Aintik mandeaca ne Raraŋ Aetaniacapa, aina Kacoot Iesusmo mataua lamŋica garacrina. Te, ma nenmo kadmaica nena iroar inkarmo, moi wewettaca gagraca laiŋ teacnandet.

Raraŋ Aetaniaca aimo ndonan ngoinna mona larapacrina

³ Na Iesus Karaisa ma Raraŋ Aetaniacna gargar mbuŋa ma aimo reicka muruŋa neanġa aina eteacna watmo, mo gagrana, na aimo otaca Raraŋ Aetaniacna tipemb kirarira tanraŋna. Na ainda mori, Karaisa aimo wattacarica aia manmo mataua lamŋirina. Na mana memetacna tac aniacapa, gargarapa, mana tipna kirar laŋ ngoin mbuŋa, ma aimo acatna.

⁴ Na ma aimo reik anik koindapa, reik laiŋ koindmo muruŋcamiŋa neanrinan, na an reicka ma ngaua aimo neaŋ ndopca babuatnan. Na nikinik iroa mo nġeprena tipna kirara ma aimo gan tiacarpaikna meikramtairap eacrenan, na aimo moa ngocrairenan ngoin. Ainda moca Karaisa aimo an reik laiŋga muruŋa neanrinan, na an tipna kirar mbuŋa ma nenmo otaca ne

1:1 2 Ko 4.13, na Epe 4.5, na Ta 1.4 **1:2** Iu 1.2 **1:3** In 17.3,
na 2 Te 2.14, na 2 Ti 1.9, na 1 Pi 2.9 **1:4** 2 Ko 7.1, na Epe 4.24,
na 2 Pi 2.18-20, na 1 Io 3.2

an ngocraina tipna kirarmo mba anğıitndai, na ne Raraŋ Aetaniacna, eteacna wat laŋapa mana tipna kirar toc ndarunandet.

⁵ Aında moca tip kirar laŋa mo, na an tipna kirara moca gagara ma nena ritipacna kirar toc ndeacna. Na ne Raraŋ Aetaniacmo lamŋina aiŋa moran, na an landamŋimo moi gagraca, ma nena tipemb kirarir laiŋta kirar.

⁶ Na nena tikembta toŋtonŋarmo ne matau ngoinna raupŋiran, na ne an tipembta kirarirmo, moi gagraca ma nena iroar laiŋta kirar ndeacna. Na ne witik gagraca witikna tipna kirarirmo anğıca makukarmo mbukran, na an tipna kirarmo mo gagraca ma nena tikembmo raupŋinandet. Te, ne Raraŋ Aetaniacna tipna kirar mbuŋa taŋran, na an tipna kirarmo, mo gagraca ma nemo moi gagraca, ne makukarmo mbukna.

⁷ Na ne Raraŋ Aetaniacna kabena meikramtairmo aikora mona tipna kirarmo ranŋairan. Na an tipna kirarmo mo laruna gagraca, ma nemo moca ne Raraŋ Aetaniacna tipna kirar mbuŋa taŋranndet. Na ne kabena meikramtairmo matŋirena tipna kirarmo ne anğı, na an tipna kirarmo mo gagra, te, ne aikor gidkar tarunandet.

⁸ Na ne Iesus Karaismo lamŋirena, ma aina Kacoot. Na ne ainta tipembta kirarirmo anğı te, na mina laruca gagra te, nena an landamŋia ma wanaiŋa mba eacitndai. Wanaiŋ. Ma amna reik witta mo larunandet.

⁹ Na ramootta an tipna kirar kocortan. Te, ma an tawan ndeacrena reikmo ma mba watitndai, anna ma lamniac ngoreacna ramootna kirar. Na ma ngaua moatna tipemb ngorikta makukarmo Raraŋ Aetaniaca moa kecaririnan, na manmo moca laŋa moatna. Na anna gidik. Na an ramootta Raraŋ Aetaniaca manmo moatna reacmo, ma iroa mandarekrekerina.

¹⁰ Na ne Iesusa ripacrena laiplacar, Raraŋ Aetaniaca nemo acrinan, na ma nenmo larapaca ne mana meikramtair teacnandet. Aintik ne gagraca mana meikramtair koind taruna aiŋa moran. Na ne ainda mo te, ne mba irikitndai, na mammo mba tikcariitndai.

¹¹ Te, ma nena taupmo kocnai gootca, ne mana iarwara eacrena bubuocmo mbuknandet. Na an bubuoca anna Iesus Karaisnan, na ma aina Kacoot, na ma ai mac nda aŋgina Ramoot.

¹² Na anna gidik, ne an reikmo malamŋireke, na ne an kam gidikmo aŋgiatna, na ne man mbuŋa witikca gagrarinan. Aintik aku tonŋgorinanna, ne iroara kai ndarekrekke teac, ainda moca memetmbaca aku nenmo mac mbopna morena.

¹³ Na an kidrikca aku ndona gan tik ndeacrenanna, aku gaind ndamŋirena anna laŋ, aku nemo mac mbopi warac te, nenmo moi iroar ngepca an reikta ndamŋina.

¹⁴ Na aku lamŋirenan, kidrik tekemmotemma aku ndona tikmo tikcarinandet. Na aina Kacoot

1:9 Ib 9.14, na 1 Io 1.7, na 2.9-11 **1:10** 2 Pi 3.17, na 1 Io 3.19
1:12 Pil 3.1, na 1 Pi 5.12, na 2 Pi 3.1, na 3.17, na 1 Io 2.21, na Iu 1.5
1:13 2 Pi 3.1 **1:14** In 21.18-19, na 2 Ko 5.1, na 2 Ti 4.6

Iesus Karaisa aukmo gaindopatna.

¹⁵ Aintik aku tonjoca nemo aij gagra moca, nemo mac mbopna. Na aku menac te, memetmbaca aku nemo mbopatna gan reikta moca muruņa ne lamņiranandet.

Up angirena ramtaira Raraņ Aetaniacna memetaca Karaisa tikca watrina

¹⁶ Na aia nemo aina Kacoot Iesus Karaisna mana nda kikipna gargarmo nemo mbopatna. Na an minna aia nemo Karaisna an kam ndopatna, aia ninini wanaiņa ramootna iro mbuņ ndarurinanna mba ranğairi. Wanaiņ. Aia ndorita lamnik puņga Kacootna gargarapa, memetaca man ndarurinanna watatna, aintik aia mbopatna.

¹⁷ Na Raraņ Aetaniac Aetta manmo i aniaca neanğatnan, na an memetac laņa man mbuņa mo larurinan. Na Raraņ Aetaniaca ndo ņgoinna an tamuņa auņa outna memetaca eacrenan, na ma Iesusna kammo gaindopatna, "Ganna aukna Nuoc ņgoin, aku manmo mamatņi ņgoin, na aku manmo tonņon ņgoin."

¹⁸ Na aia manapmo an Raraņ Aetaniacna takur ndecatke, aia an kamma waracatna.

¹⁹ Ainda moca aia rambca morina ramtairta kambca ripaca gagraca morenan, aintik ne toco mina kambmo gagraca utiņ te, anna laņ. Na mina kambca ma tac wiwirna memetaca neaup ndeacrena kirara tanğa auņ raruna rambuņai

1:16 1 Ko 1.17, na 1 Io 1.1 **1:17** Mt 3.17 **1:17** Mt 17.1-5, na Mk 9.2-7, na Lk 9.28-35 **1:19** ņap 119.105, na In 5.35, na KIEK 2.28

te, an gui gudamma nena iroar inkara moi ngepnandet.*

²⁰ Na reac aniac ianna ne lamjinanna, anna gaind. Ramoot ianna ndona iro mbuḡa Raraḡ Aetaniacna timbigta kap ndeacrena rambca morena kambta miniḡ ianna kai urirac teac.

²¹ Na anna miniḡa gaind, ramma morena kam ianna ramoot wanaiḡna tonḡon mbuḡa mba laruatke. Wanaiḡ. Neḡon Ratta ndo ramtairmo aoca ngepca mina Raraḡ Aetaniaca neaḡrena kambmo wiwitirena.

2

Ramtair nḡorikca Iesusa riḡpacrena laiḡlacarta iroarmo moi paurencena

(Iuda 4-13)

¹ Na anna gidik, atua paparuna rambca morena ramtair ndeida Israelnangepta rik nangeprinan. Na an tipna kirar kabe mbuḡa mandeacna minna paparuna ririptia morena meikramtair ndeid toco, ngepca meikramtairmo paruca Raraḡ Aetaniacna reikta riptinandet. Na paparuna ririptia morena meikramtaira iḡgoroca paparuna kambca moca gan min ndarunandet. Na an kambca nena ritipaikca moi nḡocrainandet. Na Kacootta min motoco ma

* **1:19 Gudam:** Anna auḡ raruna gui, na ma memetac aniacap. Na Iesus Karais ma an gui gudamna kirar. Karaisa Iḡgoroca Eacrena Kambmo Ion Mbuḡa Moa Larurina timbigta kapna sapta 22 wes 16na wat, an ninini toco an ndeacrena. **1:20** Ro 12.6

1:21 Up 1.16, na 3.18, na 2 Ti 3.16, na 1 Pi 1.11 **2:1** Mt 24.11, na Up 20.30, na 1 Ko 6.20, na Epe 1.7, na 1 Ti 4.1, na 2 Ti 3.1-5, na 1 Pi 1.18, na Iu 1.4

mac nda oikrinan, na mina ndori, manmo in neanrena. Na mina aida mo te, mina ndorimo tawi ngoinna mo ngocrainandet.

² Na meikramtair witta ndorita numbira morena tipemb kirarir ngorikca rangainandet, na taup gidikna kambmo nda peperena kamb ngorik ndopranande.

³ Na an ramtaira mina kabena ramootna reikmo lamnik punğa watca wanaiņa tongorena, aida moca mina nenmo paparuna kamb ndopran te, nena kitukndukarapa, reikmo paruca anġinandet. Na an ramtaira Raraņ Aetaniaca atua minmo ritri waparaca mona ramo larapacrinan, na ma gaindopatna mina topnandet. Aintik an ngogocraia minmo laruna moreke, ma mba ngoreke, wanaiņ. Ma lambica eacrenan.

⁴ Na ne lamņirena, atua mbaiņa aiņa morina nerngaur ndeida tipemb ngorikta makukara moatnanna, Raraņ Aetaniaca minmo mba watacariatke. Wanaiņ. Ma minmo mbitrem kocorta auna kac ngoreacna neaup diriņa lawirta ngatik mbuņa leaca anna tikrina. Te, mina an kac ngoreac ndeaca, mana ritri waparaca momona rana lambiraņnande.

⁵ Na an kirar kabea atuna meikramtair toco, mina Raraņ Aetaniacmo in neanġatnanna, ma minmo mba watacariatke. Wanaiņ. Ma minmo laemb aniaca moca mina menaca topatna. Na

2:3 Ro 16.18, na 2 Ko 12.17-18, na 1 Te 2.5, na 1 Ti 6.5, na Ta 1.11, na 2 Pi 1.16 **2:4** Lk 8.31, na In 8.44, na 1 Io 3.8, na Iu 1.6, na KIEK 20.2-3 **2:5** RL 6.1—7.24, na 8.18, na Ib 11.7, na 1 Pi 3.20, na 2 Pi 3.6

ma an tip kirar wandonna kam wiwitia mbop-rina ramoot Noapa, meikramtair parmbaiapa mbut mbuniņa minmo, raupņa mina mba ngocraiatke.

⁶ Na an kirar mbuņa Raraņ Aetaniaca mbopatke, Sodomapa Gomora toco mangocraiat. Na an auņ aniacniņmo, ma tac mbuņa rotaca wiracarica kapir kamndera ndori maeacreke. Na Raraņ Aetaniaca aında moatke, iņmbai nakiprena meikramtaira Sodomapa Gomoramo larurina reac mbatca anna ndamņinandet. Te, mitoco lamņi garacna, mina Raraņ Aetaniacmo ranġai ngocor te, kaina reaca minmo larunande.

⁷ Na an ramoot wandon laņ Lot, ma Sodom auņ ndeacri, ma ramtair ņgorikca morina ainta tipemb kirarir ngadudukar mbatca, mana nikinik iroa, moa ngocrairina. Aintik an kirar kabea Raraņ Aetaniaca moatnanna, ma Lotmo anġica ma mba ngocraiatke.

⁸ Na anna gidik, an ramoot wandonna ma Sodomnanġepta rik ndeaca ma mina tipemb ņgorik mbatrenan, na ra ra katuca ma mina kamb ņgorik mbaracrenan. Na mana nikinik iroa wandon ndeacrina, na ma watrinanna tip laņmo mina ndarenan, aında moca mana nikinik iroa ġiġiracaririna.

⁹ Na Kacootta moatna reikmo, aia lamņiran te, aia lamņinande, totowaiarmo Raraņ Aetaniaca ranġairena meikramtairmo laru te, Kacootta minmo an totowaiara tikca mac nda

anđina taupca ma lamņirenan. Na Kacootta meikramtair ņgorikta tipemb kirarira ma lamņirenan, na ma mina tipemb ņgorikta opoikmo nda rutina taupca ma lamņirenan, taņi Raraņ Aetaniacna ritri waparacna ra aniac larute.

¹⁰ Ainta meikramtair ndeida mina ndorita tipemb ņgorikta makukar anikta opoikca mina anđinandet. Na anna an meikramtaira tipemb ņgadudukar koindta iroar nikinik ņgorikca ņgepca morinan, na mina gainda lamņireke, gan tiacarpaikna ramtair paņaindapa, Raraņ Aetaniac Kacootna kambca anna reac wanaiņ.

Na an paparuna ririptica morena meikramtaira mina nena rikca ņgeprinan, mina garurureke, na mina ndorita iroarta toņtonğara raņğairenan. Ainda moca paparuna ririptica morena ramtaira tamuņna auņna outta taņrena mbaiņna aiņa morena ņeņņgaurmo peperena kamb ņgorik ndondopca, mina mba nanambirenan.

¹¹ Na an mbaiņna aiņa morena ņeņņgaura mina an ramtairmo kunda tamuņmbai, na mina gargar aniacap. Na mina an kabena mbaiņna aiņa morena ņeņņgaurmo peperena kamb ņgorikca mba mboprenanna, na minmo Raraņ Aetaniacna lamniac ņgoutta tikca ritri waparaca minmo mba mori.

¹² Na an ramtaira mina amta ņgoaebta kirarir toc, mina paņainda iroar laiņ kocor, aintik mina ndorita tikembta toņtonğara raņğairenan.

Na mina an raŋa eacrena amta ŋgoaebta kirarir toc, te, meikramtaira minmo aŋgica mo menacnan niŋgik. Aintik reik Ratta mina lamŋi garac ŋgocor, mina anmo peperena kam ŋgoreac ndoprena. Na an raŋna amta ŋgoaebca ŋgocrairena kirara, mitoco ainda ŋgocrainandet.

¹³ Na mina ainta tipemb ŋgorikca morenan, na Raraŋ Aetaniaca mina tipemb ŋgorikmo nda rutinandet. Na mina gaimda lamŋirenan, amti-ammo raita kidrikca morenanna, anna tip kirar laŋna toŋtoŋ. Na mina nenap ambrenan, na mina nenmo tipemb kirarir ŋgorikca morenan, na nena irembmo mo ŋgocrairena. Ri, an paparuna tipemb kirarira mina morinanna, mina toŋtoŋ ŋgoin.

¹⁴ Na memetmbaca mina meikpitikmo, tik tikrenan, na minmo meacramootna kaŋtertaapna tipemb kirarir ŋgadudukara momona iroarap lamŋirenan. Na mina tipemb kirarira, tip ŋgoreacna makukca momoa mina minna mba tikrenanna. Na an meikramtaira mina ritipaik gagrar kocortanmo, paparuna ririptina ramtaira minmo wai aoca minmo tipemb kirarirta tipemb ŋgorikta makukara morena. Aintik mina kabena meacramootna reikmo wanaiŋa aŋgina matŋirena ririptia mina maŋgiat, ainda moca Raraŋ Aetaniaca minmo makukara neaŋrena.

¹⁵ Na mina taup laŋmo iŋ neaŋga, mina ŋaŋaoca taŋrenan. Na mina Beorna nuoc

Balamna taupca maraŋgairi. Ma tip ŋgoreacna makukca mori, ma ndona tip ŋgoreacna opoik aŋgina toŋtoŋ aniacap.

¹⁶ Na amta ŋgoaeb doŋkiara mina kamma mba mboprenan, na ianna ma kam ndopca, Balammo kaega moatnan. Na an tipna kirar mbuŋa ma an ramma morina ramootna iro ŋgoreacapna landamŋi ŋgoreacmo, mo ŋgetrikirenan.

¹⁷ Aintik an paparuna meikramtaira mina aurembca puikca, puik kocorta kirarapa dimira watta wica taŋrena kirar toc. Ainda moca Raraŋ Aetaniaca mina neaupdiriŋ ŋgoinna taupca kocroca maeacreke.

¹⁸ Na ainta ramtaira ndorimo aindopna moca kambmo tamtamma keca, garururena. Te, mina meikramtairmo moa tik ŋgepca mina tip ŋgaduduk ŋgoreacapa, tikna iro ŋgoreac mona iroara mona. Na an tipembta kirarira mina an mandebca ŋgepca kambmo raŋgairena tip ŋgoreac tikcarina meikramtairmo moca, mina iroarmo mo paura, mina an kam mbarac kocorta meikramtairta kamma mac raŋgaiek.

¹⁹ Na an ramtair ŋgorikca aindoprena, “Ne aimo raŋgai te, ne makukar kocora wanaiŋ ndeacnandet. Na ne ndorita toŋtoŋgarta reikca moranndet.” Na an ramtaira mina tip ŋgoreacna tuombta aiŋir kamndera morena ramtair teacrenan. Aintik ramootta reac ianna watcarica, ma mana raupŋia eac te, ma an

2:17 Iu 1.12-13 **2:18** Up 2.40, na 2 Pi 1.4, na 2.20, na Iu 1.16
2:19 In 8.34, na Ro 6.16, na 1 Pi 2.16

reacmo watcarica ma manmo tuomna aiŋ ka-mainda monandet.

²⁰ Na anna gidik, an paparuna ririptica morena meikramtaira Iesus Karais ndambuŋmo landamŋi anŋirinan, na ma aina Kacoot, na ma ai mac nda anŋina Ramoot. Na an landamŋia otaca minmo gan tiacarpaikna makukar ŋgorik ŋgadudukar koindmo, mina anna iukairenan. Na mina an ŋgadudukarta makukar mac miŋ te, na ma minmo kac ŋgoreaca tik te, mina ŋgoreac ŋgoin ndeacnandet. Outta mina ŋgoreaca eacri, na mandeaca an ŋgadudukarta makukara minmo leaca mina ŋgoreac ŋgoin ndeacraŋnandet.

²¹ Na mina taup wandonŋa tiŋ kirar laŋmo lamŋi ŋgocor te, anna laŋ. Na mandeac mina an taupca malamŋiri, na mina Raraŋ Aetaniacna tiŋ kirara maanŋiat. Aintik mandeaca mina manmo iŋ neaŋrinan. Na mina anna lamŋi ŋgocor te, anna laŋ ŋgoin, ainda moca mandeaca mina kocnai maŋgocrairi.

²² Ainda moca an reacna minmo larurinanna, anna kam gidik ianna kamna kirara ma aindoprena, “Piraŋa mbabinpaikca mbin iricka, iŋmbaia ma mac nda taŋga ndona mbabin mac amnandet.” Na kabena kam tiŋ toco gaind, “Ramootta markimmo ma puk mbuŋa ru mai te, ma mac taŋca tuonŋtuonŋ mac iricka runande.”

3

Kacoota ma gidik ngoin nakipnandet

¹ Aukna aikndamtair koind, gan aukna inmbaina timbiņ rapara aku mandeaca nenmo tirca neanġa makipek. Na an outnanapa inmbaina timbiņ rapar, aku nenmo kam neanġa nenmo moi iroar ngepca ne an reik tamņiran te, nena iroara wandoikca mac eacraņnandet.

² Na aku tonġorinanna, ne an inmbaia laruna kamna reacmo mac lamņiran, na an reikca Raraņ Aetaniacna rambca morina ramtaira wi-witiatna. Ainda moca ne Kacootna kam gargarna lamņiran, ma ai mac nda anġina Ramoot. Na an kam gargara up anġirena ramtaira nen ndambuņa kipatna ramtairta up mbuņa waracatna.

³ Na reac aniac ianna ne lamņiran, anna ma gaind. Na gan tiacarpaikna mamaina raipaikca, peperena ramtaira kipnandet, na mina ndorita iroar inkar nġorikca raņġairanndet.

⁴ Te, paparuna ririptica morena meikramtaira aindopnandet, "Ma mac nda kip ndoprinan ki, a? Na ma ten ndeacrenan? Ma mba kipitndai. Na an minna aina nicar nġamrira menacri, kip, kipca gan mandeacna min mbuņa gan tiacarpaik ndarurina reikca an kirara maeacreke, mina nġetriki nġocor."

⁵ Na mina an reikta moca mba mataua lamņica iroar laiņ anġiri. An atu ngoinna Raraņ Aetaniaca mbopca riaca tamuņ malaruat. Ri, ma

3:1 2 Pi 1.13 **3:2** Iu 1.17 **3:3** 1 Ti 4.1, na 2 Ti 3.1, na 2 Pi 2.10, na Iu 1.18 **3:4** Ais 5.19, na Ier 17.15, na Esi 12.22, na 12.27, na Mt 24.48, na Lk 12.45 **3:5** RL 1.6-9, na Nġap 33.6, na Kol 1.17, na Ib 11.3

puk anġica ma pukna inikna rikca pitrikmo moa laruatna.

⁶ Na inġmbaia ma mbopatke, pukca mac laruca laemb aniaa gan tiacarpaikmo kitacatke, ma kocnaia ngocraiatna.

⁷ Na mandeaca mana an kamna kirar kabe ngoin mbuġa, gan tiacarpaikapa riaca eacreke, tacna lambirenan, ma kip te, maniġmo moi topnandet. Na maniġa ritri waparacna ra aniacna ndabirena, na an meikramtaira Raraġ Aetaniacmo inġ nearġrinanmo, mina kocnai topnandet.

⁸ Na aukna aikndamtair koind, ne an reac kabemo kai ndarekrekke teac. Na Kacootna iro mbuġa ra kabea anna ma 1,000na iarna kirar, na 1,000na iara ma ra kabena kirar.

⁹ Na Kacootta ma reaca mona babua mo te, ma laġan, laġanna mba morenanna, an meikramtair ndeid lamġirena kirara, wanaiġ. Na ma tonġorinanna meac, co, ramoot ianna kai tapreke teac. Na ma tonġorinanna, meikramtaira muruġa mina iroar inkar nġetrikinna, aintik ma nena moca laġanna lambia eacrena.

Gan tiacarpaikapa riaca mainandet

¹⁰ Na Kacootna Ra ma tawi ngoin nakipnandet, an macmakimna ramtair kiprena kirar toc nakipnandet. Na an Ra mbuġa, riaca wapatuk aniaa moca ma mainandet. Na reik teker-noikca Raraġ Aetaniaca gan tiacarpaik mbuġa

3:6 RL 7.11, na 7.21, na 2 Pi 2.5 **3:7** Mt 25.41, na 2 Te 1.8, na 2 Pi 3.10 **3:8** Nġap 90.4 **3:9** Ais 30.18, na Aba 2.3, na Ro 2.4, na 1 Ti 2.4, na Ib 10.37, na 1 Pi 3.20 **3:10** Mt 24.29, na 24.35, na 24.43, na Mk 13.31, na Lk 12.39, na 1 Te 5.2, na Ib 1.11, na KIEK 16.15, na 20.11

morinanna, taca minmo wira mina kocnai mainandet. Aintik gan tiacarpaikapa an reikca meikramtaira min mbuņa morinanna, mina mba mac eacitndai.

¹¹ Na ne matau lamņiraņ. Na an reiki mina an tipna kirar mbuņa mai te, ne tit ndamņirenan, ne titocna tipna kirara raņgaiit? Ainda moca ne ndorita eteacna watmo Raraņ Aetaniacmo neaņ, na ne ratna tipna kirara raņgai, na mana tipemb kirarirmo muruņa raņgairaņ.

¹² Na an tipna kirar mbuņa ne Raraņ Aetaniacna Rana kikipna lambiraņ, na ne an Rana moca gagra aiņa mo te, ma tawi larunandet. Na an Ra mbuņa riacmo taca wirca, ma topnandet. Na tacna owowaia gargar ņgoin mbuņa gan tiacarpaikna reikca Raraņ Aetaniaca morinanna, mina kocnai wirnandet, te, mina pukna kirar toc ndarunandet, na mina topnandet.

¹³ Na Raraņ Aetaniaca ma baburinanna ma kabena tiacarpaik ņgamapa riac ņgamma mo larunandet, na tip kirar wandoņ laņ niņgikca an ndeacnandet. Na aia an reac niņgikna moca lambirena.

Aia ndorimo matau raupņia Kacootna lambina

¹⁴ Na aukna aikndamtair koind, ne an reikmo lataruna lambirena. Ainda moca ne Raraņ Aetaniacna lamņiaca, ndorimo ratta mona gagraca mo te, ne reac ianna makukar kocor. Na Kacootna Ra, Raraņ Aetaniaca ma nena an tipemb kirarir lainņmo watnandet.

3:12 Ais 34.4, na Mai 1.4, na 1 Ko 1.7, na Ta 2.13, na 2 Pi 3.10

3:13 Ais 65.17, na 66.22, na KIEK 21.1, na 21.27 **3:14** 1 Ko 15.58, na Pil 1.10, na 1 Te 3.13

15 Na Kacootta aina moca laŋanna lambia eacrena. Na ne lamjirena, ma an tipna kirara morenanna, ma aimo mac nda aŋgina moreke. Na aina matjirena kaka gidik Polmo, Raraŋ Aetaniaca manmo iro landamŋi laŋmo neaŋgatna, na ma toco nenmo ainta kam tipmo turrina.

16 Na mana timbiŋ rapirmo, ma an reacna kamb ndoprenan. Na anna gidik, kamb ndeida an timbiŋ raprir ndeacrenanna, ne mba garacit. Aintik aia mana miniŋ nagaracna moca owai ŋgoin. Ainda moca meikramtair ndeida mina iroara, landamŋiar kocor tik, mina ritipaikca gagrara wanaiŋ. Na mina an Polna kammo mba giwaca lamjirenanapa, Raraŋ Aetaniacna Timbigta Kapna kambca an ndeacrenan motocmo, mina mba giwaca lamjirenan. Aintik mina ŋgocraica topnandet.

17 Na aukna aikndamtair koinde, ne an reacmo iŋmbaia larunanna, ne malamjireke. Aintik ne ndoritake, matau wat. Na tip wandik laŋmo tip kirara ndarena paparuna ramtaira, mina nenmo paruca wiŋga nena ritipaikmo moca mba gagraca witikitndai.

18 Aintik Iesus Karais, ma aina Kacoot, ma ai mac nda aŋgina Ramoot, na ma nena moca kadmairenan, na ne manmo mataua lamjirenan. Na ne Karaisna kakadmaimo wattacarica, ma nenmo moi gagra te, ne man ndambuŋa iroar wit aŋginandet. Na ma i aniac ŋgoinap,

3:15 Ro 2.4, na 1 Pi 3.20, na 2 Pi 3.9 **3:16** Ro 10.3, na 1 Ko 15.51, na 1 Te 4.15 **3:17** Mk 13.5, na 13.23, na 13.33, na 1 Ko 10.12, na Epe 4.14, na 2 Pi 1.10-12 **3:18** Epe 4.15, na 2 Ti 4.18, na 1 Pi 2.2, na Iu 1.25, na KIEK 1.6

na mana imo aia mandeacapa iarwara angi
ngepranndet. Na anna gidik.

**Raraŋ Aetaniacna Kam Wembaŋ Lan
New Testament in Mborena Kam language
Nupela Testamen long tokples Mborena Kam long
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 18 Apr 2025 from source files dated 29 Jan 2022

8e1073ed-d2dc-5f3a-bb48-5406185123a7